



ԼՈՒՍԱՄԻՈՐԻԶ

ԵԿԵՂԵՑԻՆ ՏԱՆ ՄԷՋ

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

Է. ՏԱՐԻ, ԹԻՒ 5, Ապրիլ 2024



ՓՈԽԱԿԵՐՊԻՉ ՈՒԺԸ

Միաշաբաթի վաղ առաւօտուն իւղաբեր կանայք՝ վշտաբեկ ու սգաւոր սրտերով գերեզման գացին իրենց վարդապետին մարմինը իւղով օծելու: Սակայն, ի զարմանս իրենց, գերեզմանի զորուած քարը գտան եւ լսեցին մեծ աւետիսը հրեշտակին, որ կ'ըսէր. «Մի վախնաք, այստեղ չէ, այլ Յարութիւն առաւ»:

Աստուածորդին աշխարհ եկաւ, մարդեղացաւ, մեր մէջ ապրեցաւ եւ մեր մեղքերու քաւութեան եւ թողութեան համար

իր կեանքը տուաւ, խաչուեցաւ, թաղուեցաւ եւ սակայն երրորդ օրը յարութիւն առաւ: Ճշմարտութիւն մը, որ փոխեց ողջ մարդկութեան կեանքի ընթացքը:

Յիսուս Քրիստոսի Յարութիւնը մեր հաւատքի անկիւնաքարն է: Աստուծոյ խոստումին կատարումն է: Մեր փրկութեան երաշխիքը: Յաղթանակը մահուան վրայ:

Պահ մը մտածենք այն աշակերտներուն մասին, որոնք ակնատես ըլլալով իրենց սիրելի ուսուցիչին խաչելութեան, վշտի եւ շփոթութեան մէջ տարութեան: Բայց յետոյ, այդ փառահեղ առաւօտուն, ամէն ինչ փոխուեցաւ: Մեռելներէն յարութիւն առաւ Քրիստոս եւ մահուան վրայ յաղթանակ տարաւ: Աշակերտներուն յուսահատութիւնը վերափոխուեցաւ ուրախութեան, կասկածը վերածուեցաւ հաւատքի, եւ անոնց կեանքը ընդմիշտ կերպարանափոխուեցաւ:

Մեռելներէն յարութիւն առած Յիսուս Քրիստոսը իր զօրութեամբ, կը բնակի մեզմէ իւրաքանչիւրին մէջ՝ զօրացնելով մեզ յաղթահարելու ամէն խոչընդոտ, դիմակայելու ամէն փորձութիւն եւ ապրելու նպատակաւսաց եւ իմաստալից կեանքով:

Եկէք, հաւատքով արդարացած վերանորոգենք ու փոխակերպենք մեր կեանքը Քրիստոսի յարութեան յաղթանակով, որ աստուածային ու յաւերժական սիրով է երաշխաւորուած:

Եկէք, երախտագիտութեան լեցուն սրտով եւ ճշմարտութեան մէջ խարսխուած մտքերով ու յարութեան զօրութեամբ սպառազինուած հոգիով եւ մաքրագարուած մարմիններով համարձակօրէն յայտարարենք. «Ան այնտեղ չէ», գերեզմանին մէջ չէ, որոհետեւ յարութիւն առաւ ճշմարտապէս:

ԲԱՐԳԷՆ ԱՐՔԵՊԻՍԿՈՊՈՍ

ՓՈԽԱՆ ԽՄԲԱԳՐԱԿԱՆԻ

ՊՁՏԻԿ ԲԱՆԵՐ ՈՐՈՆՔ ՀԱՃԵԼԻ ԵՆ ԱՍՏՈՒԾՈՅ

1. ԺՊՏԷ քու ամէնօրեայ փոքրիկ նեղութիւններուդ ժամանակ:
2. ԼՈՒԷ երբ անդրադառնաս թէ մէկը սխալած է:
3. ԳՈՎԷ ընկերդ որ բարիք կամ լաւ գործ մը ըրած է:
4. ՄԱՍՆԱԿՅԷ տղոց խաղերուն, որովհետեւ Աստուած կը սիրէ զիրենք:
5. ՄՐՏԱԳԻՆ սեղմէ, վշտացած եղբոր ձեռքը:
6. ԽՕՍԷ քաղցրութեամբ, անհամբեր ու անհանդարտ ընկերներու հետ:
7. ՍԻՐՈՎ ու գործով նայէ վշտակիր ընկերոջդ:
8. ՔԱՂՅՐՈՒԹԵԱՄԲ բարեւէ խեղճերն ու խոնարհները:
9. ԽՈՆԱՐՀՈՒԹԵԱՄԲ ընդունէ քու խեղճութիւնդ:
10. ԱՆԿԵՂՇՕՐԷՆ ցաւէ գործած յանցանքիդ վրայ:

ԱՍՏՈՒԱԾԱՇՈՒՆԶԻՆ ԿԱՆՈՆԸ

ՀԻՆ ԿՏԱԿԱՐԱՆԻ ԳԻՐՔԵՐՈՒ ԺՈՂՈՎԱԾՈՆԵՐ

ԵՐԿՐՈՐԴ ԺՈՂՈՎԱԾՈՅ, ԵԶԵԿԻԱ ԹԱԳԱԽՈՐԻ ՕՐՈՎ

Աստուածաշունչի գիրքերուն երկրորդ ժողովածուն կազմուած է, ըստ ամենայն հաւանականութեան, Յուդայի Եզեկիա թագաւորին (716-687) օրով:

Թագաւորաց պատմութեան մէջ Եզեկիա եգակի տեղ մը կը գրաւէ իր բարեպաշտութեամբ եւ միաժամանակ իր քաղաքական յաջողութիւններով: Ք.Ա. 629-էն սկսեալ աթոռակից էր Աքազ թագաւորին, որ շատ թոյլատու էր կրապաշտութեան հանդէպ: Հագի գահուն վրայ առանձին մնացած (716 թ.), Եզեկիա բացաւ ու նորոգեց Տիրոջ փակուած տաճարը, եւ վերակազմակերպեց քահանայութիւնն ու տաճարին ծառայութիւնը, եւ ժողովուրդը խմբեց Տիրոջ պաշտամունքին շուրջ: Համազգային պաշտամունքի առաջին առիթը եղաւ յաջորդ տարուան (715 թ.) Չառիկին տօնը, որուն յիշատակը յատուկ արձանագրութեամբ տեղ գտած է Մնացորդներու Բ. Գիրքին մէջ (գլխ 30): Ասոր կողքին, ամբողջ երկրին մէջ բնաջնջեց հեթանոսական պաշտամունքը, կուղքերն ու բազիլիկները, ինչպէս նաեւ Մովսէսի շինած պղինձ օձը, որ պաշտամունքի առարկայ դարձեր էր (Դ. Թգ 18.4): Միա կողմէ, Եզեկիա ապստամբեցաւ Ասորեստանի թագաւորէն, եւ պատերազմեցաւ նաեւ փղշտացիներուն դէմ, երկու ճակատներուն վրայ ալ յաջողութիւններ ունենալով, այնպէս որ «բոլոր ազգերուն առջեւ բարձրացաւ» (Բ. Մն 32.23):

Տակաւին, Եզեկիա բանաստեղծ եւ գրող ալ էր: Եսայի մարգարէի գիրքին մէջ (38.9-20) պահուած կը գտնենք Սաղմոսը, որ Եզեկիա գրեց՝ փառաբանելու համար Տէրը, որ հրաշքով մը զինք մահուրէնէ ետ բերաւ: Եւ թերեւս ատիկա իր գրիչէն դուրս եկած միակ Սաղմոսը չէ, մանաւանդ եթէ նկատի ունենաք այս երգին վերջին համարը, որ կ'ըսէ. «Տէրը իմ փրկութիւնս եղաւ. Անոր համար մեր կեանքին բոլոր օրերուն մէջ՝ իմ երգերս [=օրհնութիւններս] Տիրոջ տան մէջ պիտի երգենք լարաւոր նուագարաններով» (Ես 38.20):

Գալով Աստուածաշունչի գիրքերուն, Եզեկիա յաւէտ յիշատակելի գործ մը ըրաւ. «Ամբողջ այն գործը, որուն ձեռք գարկաւ, թէ Աստուծոյ տունին ծառայութեան կապուած, եւ թէ [Աստուծոյ] օրէնքին ու պատուիրաններուն կապուած, ամբողջ սրտով ըրաւ, զԱստուած փնտռելով, եւ յաջողեցաւ» (Բ. Մն 31.21): Թէ Եզեկիա ինչ ըրաւ՝ Աստուծոյ Օրէնքին ու պատուիրաններուն կապուած, յիշատակագիրը չի ճշդեր: Բայց ճշդումը կու գայ ուրիշ կողմէ, նոյնիքն գործէն: Առակներու գիրքին 25.1-ին մէջ կը կարդանք. «Հետեւեալներն ալ Սողոմոնի առակներն են, որ Յուդայի Եզեկիա թագաւորին մարդիկը ընդօրինակեցին»: Ասիկա ցոյց կու տայ, թէ Եզեկիա ունէր խումբ մը մարդիկ, որոնք յատուկ աշխատանք տարին՝ անցեալէն եկող Ս. Գրական գիրքերն ու պատահիկները ժողովելու եւ մէկտեղելու, եւ նոյնիսկ խմբագրական որոշ աշխատանք տանելու՝ յիշեալ պատահիկները իրարու միացնելով ժողովածոյ գիրքեր կազմելու, Առակներուն եւ Սաղմոսներուն պէս: Եւ վստահաբար ասոնք միակ գիրքերը չեն, որոնց վրայ Եզեկիայի մարդիկը աշխատանք տարած են:

ԶԱՐԵՀ ԱՐՔ. ԱԶՆԱՌՐԵԱՆ (ՇԱՐՈՒՆԱԿԵԼԻ 3)

ՈՍԿԵՂԵՆ ՀԱՄԱՐ

«Արդ, քանի Սուրբ Հոգիով այս նոր կեանքը կ'ապրինք, նաեւ Սուրբ Հոգիով առաջնորդուինք: Չըլլանք սնապարծ, չգրգռենք իրար, չնախանձինք իրարու» (Գաղատացիս 5.25-26):

“The Spirit has given us life; he must also control our lives. We must not be proud or irritate one another or be jealous of one another.” (Galatians 5.25-26)





ՄԵՐ ՀԱՅՐԵՐԸ ԿԸ ԽՕՍԻՆ

ՍՐԲՈՒԹԻՒՆՆ ՌԻ ԱՆԱՐԱՏՈՒԹԻՒՆԸ (ՄԱՔՐՈՒԹԻՒՆԸ) (ԲԱԺԻՆ Բ.)

«Այս քարոզը մանրամասնորեն կը սորվեցնէ, թէ սրբութեամբ, անարարութեամբ եւ մաքրութեամբ հոգին ինչպէս պէտք է ձգտի դէպի իր Տէրը, այսինքն՝ դէպի աշխարհի փրկիչը՝ Յիսուս Քրիստոս: Քարոզը նաեւ յարութեան արեւն մարմիններու պարզած վիճակին, չարին, ազատ կամքին եւ մարդկային բնութեան ու պատիւին մասին կարգ մը շինիչ խօսքեր կը բովանդակէ:»

Երկիւղած բարեպաշտութեամբ՝ աշխատինք մեր փրկութեան համար

4.- Այսպէս, Սուրբ Հոգին կը զգուշացնէ զԱստուած գիտցող անձը, որպէսզի չըլլայ թէ իր նախկին զագրելի մեղքերէն մարուելէ, Հոգին զարդերով պնտուելէ եւ երկնաւոր ու աստուածային ուտելիքին հաղորդուելէ ետք, երկնաւոր փեսային՝ Քրիստոսի սէրը անտեսելով՝ կրկին վերադառնայ իր նախկին մոլոր ընթացքին, եւ վտարուի ու գրուի իր ունեցած երանելի ու յաւիտենական կեանքին հաղորդակցութենէն: Որովհետեւ Սատանան կարող է առիթը օգտագործել նոյնիսկ անոնց դէմ, որոնք շնորհքին եւ զօրութեան միջոցով ճանչցան զԱստուած. Քանի որ մեղքը կը շարունակէ իր գլուխը վեր բարձրացնելով զանոնք փորձութեան մատնել եւ տապալել: Այս պատճառով ալ անհրաժեշտ է, որ աշխատինք, ճիգ թափենք, զգաստութեամբ եւ իմաստութեամբ հսկենք մեր անձերուն վրայ եւ երկիւղած բարեպաշտութեամբ աշխատինք մեր փրկութեան համար (տես Փլայ 2.12): Ինչ աստիճանի ալ հասած ըլլաք, դժբաժնիք որ Սուրբ Հոգիին հաղորդակից դարձաք, զգուշացէք, որպէսզի չըլլայ որ ձեր կեանքը որեւէ ատեն անտարբերութեամբ եւ անհոգութեամբ ապրիք. Բնաւ մի՛ արհամարհէք Սուրբ Հոգիին շնորհքը, որպէսզի չհետաքուցուիք այն կեանքէն, որուն հաղորդակից դարձաք:

5.- Ուրիշ օրինակ մըն ալ տամ: Եթէ սպասաւոր մը թագաւորին պալատը գայ՝ անոր սեղանին սպասարկելու համար, հարկ է, որ թագաւորական պալատին յատուկ սպասները օգտագործէ թագաւորին սպասաւորած ատեն եւ ո՛չ թէ իրեն հետ բերածները: Այդ սպասաւորը մեծապէս կարիքը ունի իմաստութեան, առողջ տեսողութեան եւ զանազանութեան, որպէսզի որեւէ սխալ չզործէ ծառայութիւն մատուցած ընթացքին. Այլ սկիզբէն մինչեւ վերջ ամէն ինչ կանոնաւոր կերպով եւ պատշաճութեան համաձայն կարգաւորուած ըլլայ: Այլապէս շատ արագ կերպով կրնայ իր վարձքը կորսնցնել եւ դուրս դրուիլ պալատէն: Նոյն ձեւով ալ, այն անձը, որ որ շնորհքով եւ հոգիով կը ծառայէ Աստուծոյ, կարիքը ունի խոր տեսողութեան եւ ճանաչողութեան, որպէսզի որեւէ սխալ չզործէ Աստուծոյ ծառայութեան իր ընթացքին մէջ: Այսինքն՝ հոգեւոր ծառայութեան ընթացքին, չըլլայ որ իր կամքը շնորհքին աններդաշնակ գործէ: Որովհետեւ կրնայ ըլլայ, որ հոգեւոր ծառայութեան մէջ (ոչ ծածկաբար եւ ներքին մարդուն միջոցով կը կատարուի) անձը իր սեփական միջոցներով (սպասներով) Աստուծոյ ծառայէ, այլ խօսքով՝ իր սեփական հոգիով: Բայց Աստուծոյ կրնանք սպասարկել եւ զայն հաճեցնել միայն իր սպասներուն միջոցով, այսինքն՝ շնորհքով, միշտ իր կամքը կատարելով:

Իմաստութեան եւ զանազանութեան կարիքը

6.- Երբ մարդ շնորհքը ստանայ, կարիքը կը զգայ գիտութեան, իմաստութեան եւ զանազանութեան շնորհքին (այս պարզեւնեքը Աստուծոյ կողմէ կը տրուին անոր, որ Իրմէ կը խնդրէ), որպէսզի անձը ճշմարիտ հոգիով պաշտէ զԱստուած եւ մեղքը անակնկալ ու յանկարծակի չյարձակի իր վրայ, չզգետնէ զինք եւ ոչ ալ տգիտութեամբ, անտարբերութեամբ եւ անհոգութեամբ իրապարտուելով ու գրաւուելով՝ Աստուծոյ կամքին հակառակ ընթացք որդեգրէ: Որովհետեւ նման արարքները հոգիին համար պատիժ, սուգ ու մահ են: Պօղոս Առաքեալ կ'ըսէ. «Որպէսզի չըլլայ թէ ես ինքս մրցանակէն զրկուիմ, ես՝ որ ուրիշներուն կը քարոզեմ» (Ա. Կր 9.27): Տեսէք, թէ Աստուծոյ առաքեալը ըլլալով հանդերձ, ան որքան զգոյշ է: Ուստի, այս պատճառով աղաչենք Աստուծոյ, մենք, որ այդ շնորհքին արժանացանք անհնազանդութեան եւ արհամարհանքի մտածումներուն հետ, որպէսզի այդ ձեւով արժանի ըլլանք ժառանգելու յաւիտենական կեանքը:

Մարմինն եւ հոգիին անդամները

7.- Ոմանք մարմնաւոր կարգ մը խելոյթիւններ ունին: Կրնայ ըլլալ որ մէկու մը մարմինն կարգ մը անդամները առողջ ըլլան, իսկ մնացեալ անդամները անկարող ըլլան բնական գործելու: Նոյնն է պարագան հոգեկան աշխարհին մէջ: Մարդու մը հոգիին որոշ անդամները առողջ ըլլալով հանդերձ, ան կատարեալ չ'ըլլար: Եւ դուք շատ լաւ գիտէք արդէն, թէ հոգին քանի աստիճաններ ունի եւ թէ յաջորդական քանի հանգրուաններով ան մեղքի ազդեցութենէն կը մաքրուի ու կը բիրտեղանայ, եւ ո՛չ թէ մէկ անգամէն: Աստուծոյ նախախնամութիւնը, ստեղծագործութեան կարգաւորումը, արեւուն ծագիլը եւ ամէն ինչ որ ստեղծեց, բոլորն ալ այն խաղաղ ու համերաշխ թագաւորութեան համար են, զոր ընտրեալները պիտի ժառանգեն:

Մեծն Սուրբ Մակար
(Շարունակելի 2)

THE BOOK OF GENESIS


WRITTEN: PROBABLY 600-400BC
(USING STORIES FROM A MUCH EARLIER TIME)

WHAT YOU NEED TO KNOW:

The book of Genesis (meaning 'origin' in Greek) takes us from the very beginning of the world, through to the arrival of the Israelites in Egypt with Joseph. In it we find themes of creation, sin and mistakes, promises and covenants (agreements with God), and we see how God chose to use one man to kick-start his plan for humanity. The story starts with a perfect world, before things quickly go wrong. Right away we see God putting in place a plan to save humanity, which will eventually be fulfilled in Jesus. Genesis begins with a poetic description of creation and introduces a God who (unlike the gods that non-Israelites believed in) is personal and loving and wants to work with humanity to restore the world to what it was created to be.

WHY READ T?

This book is action-packed. Here we have the stories of creation, Adam and Eve, the tower of Babel, Noah and the ark, Abraham, Jacob wrestling with God, Joseph and his fancy coat, and two nations being saved from famine. This is the book to read to find out how the story starts, and to learn about a God who creates, gives purpose, and sets the greatest promise into motion.



THE GOSPEL OF MATTHEW


WRITTEN: AROUND AD80

WHAT YOU NEED TO KNOW:

Matthew is one of the four books called 'Gospels' that tell us about the life and teachings of Jesus. This Gospel has a particular focus on Jesus' work and teachings. It begins with his birth, continuing until his resurrection. Matthew wrote his Gospel for the Jews, so this book is full of references to parts of the Old Testament that would have had a lot of meaning for them. He aimed to tell the Jews, through his writing, that Jesus was the Messiah who had been promised to them long ago.

WHY READ T?

The Old Testament pointed towards Jesus in loads of different ways, and Jesus changed the world by what he did and taught. Read Matthew to find out about the Son of God who was promised long before he was born. It's full of life-changing stuff and tells us about the one who sets us free and enables us to have a relationship with God.



ՅԻՍՈՒՍԻ ՄՈՒՏՔԸ ԵՐՈՒՍԱՂԵՄ

Յիսուս իր աշակերտներուն հետ Երուսաղէմ գնաց, Չատիկի Տօնին մասնակցելու: Աշակերտները, էջ մը բերին, Յիսուս նստաւ իշուկին վրա եւ աշակերտներուն հետ մտաւ Երուսաղէմ: Չատիկի համար շատ մարդ եկած էր: Երբ տեսան, որ Յիսուսը կու գայ արմատենիի եւ ձիթենիի ճիւղեր շարժելով, դիմաւորեցին զինք, կարծես թագաւոր մը կը դիմաւորէին: Անոնք սկսան բարձր ձայնով գոչել.
- Թող օրհնուած ըլլայ Ան որ կու գայ, թող օրհնուած ըլլայ այս թագաւորը: Փառք Աստուծոյ:

ԳԱՆԱՏԱՅԻ ՀԱՅՈՑ ԹԵՄԻ
ԿԻՐԱԿՆՕՐԵԱՅ ԴՊՐՈՅԻ
ԱՇԱԿԵՐՏԻՆ ԳՐՔՈՅԿԸ



